

JUGIZITIG

DE FRESHI NEWSLETTER USDE HOOD



S`NEUSCHTE:

Nimmplatz und Ufsueche ide Badi
Betriberteamusflug in Europapark
Ussicht

SEITE 2, 3

SEITE 4

SEITE 5



ÖFFENTLICHE RUUM

Mitem Projekt Nimmplatz hed d`okaj Züri vor einige Johr es Projekt is Läbe grueffe zom uf dWichtigkeit vom öffentliche Ruum für dEntwicklig vo Kinder und Jugendliche ufmerksam mache. SO2 JUGEND unterstützt das Projekt mit ihrne Aktion.



S`WOHNZIMMER ISCH FÜR ÜCH PARAT

In Obfelde ufem Schlossächer sowie in Ottebach ufem Schuelhuusplatz hemmer euses Wohnzimmer für euch ufbaut und e tolli Ziit miteme breite Agebot vo Spiel, Kulinarik und Spass dörfe gniesse. Mit Jung und Alt simmer in Kontakt cho und spannendi Begägnige hämmer dörfe erläbe.





UFSUECHE IDE BADI



NIGHT SWIM

Am Night Swim vo de Badi
Obfælde simmer ufsuechend für
euch unterwägs gsii. dBadi isch
volle gsii ond mer hend vieli
Jugendliche atroffe. dStimmig isch
usglatte und friedlich gsii. Danke
für de tolli Obig mit euch.





BETRIBERTEAMUSFLUG IN EUROPAPARK

FILMOBIG UND ÜBERNACHTEN IM TREFF

Die Ruhe vor dem Sturm oder so.. sBetrieberteam hed sich vor eusem gmeinsame Usflug en Übernchtig im Treff gewünscht. sTeam vom O2 esch dem Wunsch natürlich nachecho und hed de Obig miteme Film und gmeinsamem Obigässe perfekt abgrundet.



BSUECH IM EUROPAPARK

Als Dankeschön füre Isatz im Betrieberteam isches denn am nöchste Tag früe am Morge losgange. Am 6:45 hemmer üs im O2 versammled zum richtig Rust DE losfahre. Im Park hämmer denn en tolle und heisse Tag dörfe verbringe. sHeisse Wätter hed au sini Vorteil gha. Uf keinere Bahn hämmer länger als 20 Minute müesse astah.



USSICHT ZUM



O2 UNTERWÄGS

Jedi Woche simmer mit eusem Mobil unterwägs gsi ond hend euch in Obfelde und Ottebach uf de Schuelhusplätz bsuecht. Jetzt gods "O2 Unterwägs" id Sommerpause. Es gad nach de Ferie wieder weiter. Date vom O2 Unterwägs wärdemer ide nächste Usgab vo eusere Jugziitig sowie uf Socialmedia bekannt gä. Bliibed debii ;)



S` O2 MACHT FERIE

O2 JUGEND hed vom 25 Juli bis am 9 August 2022 zue. dWoche vom 18-22 Juli sowie vom 9-12 August simmer miteme Spezialprogramm für euch da. Alli Infos findeder während dene Wochene uf eusem Instagram Channel wo da unde im QR Code verlinkt isch.

